

TNC 5431 / 7227 (10)



邱邦士文集卷十四

碑誌 碑銘 墓表 墓碣

為楊表微自作墓碑誌 有序



寧都邱



古墓碑所以為窆而著引碑無文字後錄次所墓者  
生次行實于碑然皆有官爵又賢行者有之其後則  
不必是又古無生作墓者自宋桓氏為石槨石槨其  
墓之類耶後遂有壽藏銘文又或自為誌維屏不佞  
今十月先友溫婦羅君以是來命以予既為其夫若

子或傳或銘而君生平果宜銘又二日內表兄楊表  
微來請又五日里揭生復來請悲夫今之人何不  
以生為悅而為終沒計之蚤耶因以揭生愿援生作墓  
求銘墓說銘揭生碣且謂表微子何以是為與豈端  
木之願息乎抑老氏之知足止與表微曰否否吾欲  
生知墓所又及子言子為我文出其家譜注一篇述  
而使子志之表微名德顯家派名永鼎字耳黃人皆  
呼耳黃不呼表微表微豈有待故每自呼曰表微也  
表微先祖諱清明經選為臨高學博世父諱大訓從

禮記試于鄉兩中式卒罷亦以明徵經貢考徵仕郎父  
諱大諫母親氏魏徵君姊徵君愛表微幼異於他甥  
年十九補弟子員衡文者屢賞之五試鄉不偶然竊  
頗以廣隅自飭為館師郡城諸院道觀風考率冠多  
士邑大尹顧招之自亦不就也祖考既為學博僅五  
月官卒于是二十六年未葬壬辰冬表微舉祖妣温  
孺人合葬于墓庚寅歲城破伯父病卒子三人孫四  
人盡亡散表微亦舉伯母並葬之表微弟六人凡四  
先死生相恤已死就殯勞費不有辭焉妻父孫氏避

難來居病故一子彥萃先死妻母亦先死妻又母又  
死表微堅請訪其祖墳萬斛里因皆附葬之己亥東南海  
警縣新城凡傾圮十數處故城官吏士大夫制守具  
僅濬故濠欲且毀新城表微堅請無毀任能守率闔  
門子弟往立城上呼新城人皆至賊劄溫坊夜半率  
衆逐賊去因報署縣楊公遂請修城楊公立發俸士  
大夫隨之諸傾圮城復完坊軍山廟毀燼已十載表  
微倡復建之先出貲衆貲亦入表微表微無私焉祖  
背街居凡幾世縣城破營將劉奇英占為官廳凡七

年丙申度督佟公知表微表微具呈訴佟公檄還之  
表微出獨貲贖還蓋自丁未歲年五十有五自請告  
脫增廣生籍去著禮記必宗網鑑要錄近復有匡時  
要略稿皆在家篋今年六十有三凡自宴適念欲遺  
落人問事者八年矣不自知歿何年月遂于某里某  
山某祖某君墳之側穿壙為穴坐某山為墓門某向  
所娶魏氏又孫氏生子孫及塋日更生子孫名皆列  
所誌墓碑左方云

序佳絕逼真五代史之調彭躬菴

禮部儀制司主事黃君墓碑銘代

海岸黃先生既死一十有六年矣其地士大夫舉葬  
縣北忠孝橋其門人南豐楊菴湯子誌而銘以旌諸  
幽其墓隧之碑其孤甲先又請之於某某病辭不獲  
乃為之碑曰

先生名端伯黃其姓元公字也而自稱為海岸道人  
考九德建德縣令妣封孺人李氏先生崇正戊辰進  
士為寧波推官壬申丁內艱乙亥移補杭州丁丑丁  
外艱又七年甲申擢南京禮部儀制司主事明年八

月十有三日而死凡先生通籍十有八年守內外艱  
及居匡廬山中越已十年先生己巳徧上當事書即  
言天下之變惟西南寇禍將裂而天下終以此敗其  
書各見文集先生在寧波邏海卒計居竒輒誣入商  
通倭罪先生為解理活數百人以杭州治行為天下  
第一講學西湖上興行先廉恥引薦佳士雖未見顏  
面唯恐不力事畧見郡碑誌先生好京房易本乾鑿  
度創為圖說貫穿錯綜數變皆合見所著易疏或曰  
先生著易疏成遽夜夢有龜伏背明日著之得明夷

貞而無悔再著如之其悔既濟矣先生嗜禪學自壽  
昌三世師皆獲叅承嘗語壽昌以行解相應亦以壽  
昌狂兒自贊先生作四書五經頌標寫大意無絲毫  
避諱坐廬山一夜忽不見身明日又見身即與虛空  
等乃大喜云後以語壽昌謚公謚公曰猶未見所  
著瑤光閣集東海集中先生生六十有一年歲復為  
乙酉先生既在儀曹北兵且止自署其官於門卒擁  
見帥帥三致意乃不肯屈久之帥呼加以刃卒舉刃  
輒顛棄去易卒如之先生謂卒曰何不刺我心而乃

怯為卒竟如其言以死初先生舉甲子鄉試同考官  
吳麟徵得先生先生後為同考又得楊廷樞為解首  
與先生後先死云先生天性孝少志性命學不欲事  
科舉建德強之乃仕然志不稍輟既已脫然有得一  
日忽磨去所佩海岸道人章更鐫忠孝廉節四字難  
之將及也或勸先生披緇匿僧寺中先生不肯許及  
帥知先生篤于佛欲以法師禮禮先生先生又不許  
故人復謂先生殆不欲以禪自待云先生臨死賦詩  
詩在兵間粹不得傳好事者各假為先生詩冀速其

傳故詩互有異然先生詩無自辨之不具錄也先生  
初娶孺人王氏再娶范氏皆無子以弟端叔子甲先  
為後始甲先既葬先生泣且請曰碑悲也願有作某  
既不得固辭又一年始克為之然某豈克碑先生者  
而系之銘其銘曰

帝擊九畫衣承裳土姓錫色尚有熊姬封錯壤公方  
膺桓耄滅嗟先英江氏散淮沂漢陰陽歌孕好還闔  
殲荆吏郡穎川霸漢公言學牛衣兒來從江夏著謀  
蹶孝童黃世厥生不凡常建德自試後有興儀制升



登天傾崩以死了死死不生抱鼓鼓鼓不鳴論物  
因是失兩行兒悲我笑俱失聲頑碑篆恣其忘情

只重死節不重佛法文便出俗自評

甘楸齋婦趙氏墓碑銘

歲丁巳南豐甘表來寧都後就學于邛維屏九月表  
父楸齋信至召表歸十九日及家門其母于月二日  
死表痛定乃乞母見夢十月二日夜聞柩有聲啟視  
母顏似生遷地移時仍氣絕復舉內柩母云吾足右  
未安表大哭發聲而醒又四日夜雞鳴中表若自遠  
歸當母小斂遷尸祖祠表匍匐往抱母母目開語笑  
問表歸狀表泣母側身就表抱母衣若有壅結表問  
衣稱體不母曰輕重如儀旁有楸齋二門人表顧使

告父速父至母無言笑但手理衣裳表抱稍弛尸遂  
陳於地表趨就母于堂聞門外墜石有聲表趨出見  
一石豎置高八九寸橫五尺許格分八行行間分小  
行六旁原五六分迤至中行遂最厚厚一寸餘高加  
十之一云上帝所賜自天墜下者其文為母墓碑大  
約云孝友勤儉則克昌厥後後撰文書丹刊石姓名  
皆具然皆表素不識者末十三行行為小坎深半分  
行初空次壻李氏次子表次子肫次某年月日生孫  
某次某次二行復空次二行曾孫二字後行斜押止

字表趨入人持三紙示表云從石後啟者中十數條  
有言某事上帝言汝復書不至餘某某其餘貸賒不  
可負表閱未畢悚息而覺畧記文起語有云甘母親  
愛勤儉不可以凡言諸姓名某某者則皆忘之者也  
于是表曰表母生平親愛勤儉篤於常人母凡八產  
僅育姊及表二人他所殤敗母輒鬱悶昏憤時絕而  
復蘇女姊又早死撫外孫襁褓中今年念家乏不能  
延師傅遂泣然涕下常曰婦人值子女羅列則彼夫  
人安人者何為耶惟子婦有忤顏色則呼為不孝切

責之表生十餘月母夢人以一兒相授母念此兒未  
離懷抱可置妾李所使養之俄而李生子肫又六歲  
李母背母撫肫成人無異己出初母歸家居家稍饒  
王父母皆不使子婦與家事母專製結衣襪有餘則  
以貽親族乏者值世方亂先王父母疊喪母盡出簪  
珥服飾物用猶不給母遂日夜務結衣襪辟纊賣貨  
為用時產子母飢寒多病乳不足而殤今二十餘年  
予母念及輒哽咽呼表不能出語父隱居母日夜操  
作組紉補綴然所自服裳衣十餘年不敝一布被二

十六年潔淨整齊未嘗不堪用也表素狼籍輕取與  
母呼而語曰仰事俯畜其間固自有理汝家世德非  
可以苟取也吾向粥食常數日今老矣不能耐吾蓋  
不忍為汝述也吾父亦嘗稱母知綱常審大體閨門  
之內雖子姪少見之近甘生吾弟李生吾從甥以及  
門故得見之然則表夢母時固宜見二生耶明年二  
月榷齋至寧都表附夢述來言如此且曰表欲以母  
墓石文乞之先生如所述云云其宜不棄於先生乎  
維屏按表母榷齋自有誌銘內諸壙今表夢上帝

賜石之文既不可以凡言則此乞何為至于予耶然  
表所述者固不可以不有所徵維屏遂不辭讓而為  
其封墓之石銘之銘曰

斯干祝<sup>祝</sup>女無非儀維常之行人冀賒帝絲民欲降鑒  
加賜石甘表母作碑行格大小一磨治文人工氏勒  
名齊錄母愛子纏肝脾有勤有儉內職釐凡言不用  
尚葩華表寤忘夢姓名誰鼓雷聲失遣吠蛙有時乃  
發雷二椎我作此銘後無何

史記叙事。綴銘古而辭致則異而治 彭中叔

文學羅噓雲君偕正配蔡太母墓碑銘代

羅氏始以明經起家至聘吾公階奉直大夫奉直公  
娶溫宜人生君君諱人龍字噓雲生而狀貌魁梧讀  
書不屑為章句通典故聲韻學弱冠受知于學使胡  
公奉直公歷官膠泗靖三州最後抵粵君皆從力勩  
奉直公多善政及解組歸娛奉直公于林泉稱孝養  
焉君亦益擴宗祠貲修譜牒于族政尤詳君性慷慨  
樂施與歲大祲捐庾廩以賑之倡建義倉積粟為久  
遠備請于當道額其廬而君無德色今坊僉能道之

血手抄集 卷十四 十一  
君與人交時多推解友貧不能殮棺衾悉具居恒賦  
詩酣飲喜燕會賓客極欵洽舉子最蚤長君亦世有  
竒慧成童試輒冠多士余門人曾無擇都諫時以文  
章自雄獨推亦世余因又得交亦世無擇既貴以父  
執禮見君君處之晏如也年四十有九而卒太母年  
十六歸公家装遣甚盛不事紛華以孝順聞撫諸子  
如一後公二十年年六十八卒太母蔡氏太學生諱  
可學女副曾氏子四宗顯世即亦縣學中天啟丁卯副  
魁宗聖附學生宗周附學生女三俱太母出宗元曾

出孫某某君生萬曆庚寅年月日時歿崇正戊寅年  
月日時于崇正癸未年月日時葬仁義鄉雲石園某山  
某向太母生萬曆庚寅年五月初八日申時歿丁酉  
年月日時是年月日合葬君右弓余言為君誌嗚呼  
余猶及見奉直公已奉直公與余先君稱莫逆余兄  
弟課藝必就正奉直公為評削與君列雁行焉余年  
長于君五歲而亦世之生余既逾冠今亦世已逝廿  
有七載而君亦捐館廿年余猶得為君銘則余之感  
懷殆何如也余于亦世不能無馬監之悲而無一言

以表其墓于君又安能無銘銘曰  
君與母俾偕藏體魂藏百世昌後有考歲月日此銘  
章

盧行兼墓表

予媿盧行兼于歲丙申十二月廿四日始墓于此去  
其生萬曆辛亥歲四十有六年去其卒辛卯歲六年  
矣予與行兼本同為府縣學諸生予嘗序其文大抵  
以為不費言說而超然流俗使人自廢殆有魯人林  
放之概其師艾千子評其文類先輩歸震川至為其  
序亦痛言俗之移人至敝也而行兼竟與時俱沒矣  
行兼為人長頸直項眉鬚鬖如漆其生平然諾必  
信苟有所迫不得踐則畧無以自解亦竟以此終喜

五拜士文集 卷十四  
攷古詳及說文本草尤每不以貨財為意得輒購書  
置酒與其友痛飲或持其貨去無所惜既困獨恨終  
無以自解也辛卯歲月日行兼既寢漏未盡數刻獨  
起忽自死行兼名演娶劉氏子三人有女許維屏子  
成鎬而女殤行兼嘗命其子國英從予遊是以行兼  
之墓唯維屏得表其墓焉

真文字不數語而其人生致孃孃如見 彭中叔

亡兒成鎬墓碣

湖廣僉事公之曾孫府文學君之孫邱維屏邦士之  
子曰成鎬以崇正辛巳歲三月初六日辰時生于外  
家魏氏生甫歲能背誦關雎一章一日誦既忽自言  
曰窈窕淑女我老婆君子我也老婆俗以謂妻也而  
父乃大驚四歲父偶為言古人篤行事間數日進語  
父曰幾日矣未為我言古吾欲學好人父遂嘗為言  
之其後外母予以飴獨藏屏處晚父自外歸捧而至  
眾怪其未食也乃應曰吾欲與翁食吾欲學懷橘者

然外家延客張繡屏成鎬見呼為圍屏外大父曰此  
汝父名也爾不敢稱自是或戲令呼必曰父名吾不  
敢嘗無人獨跪屋雷間仰視天上凡父有所問答曰  
不知父抑榆曰蠢已即默自思思久之曰云云語畧  
有指五歲就外傳書成誦畧不齟齬隨以亂時輟中  
忽頑甚終日誦不成一字師父母諸舅笞罵交至至  
夜分不得休父執僉事彭先生謂曰爾怨舅不應曰  
舅愛我也何怨亦驚歎焉九歲有姊嫁曾師焯年十  
九而寡為姊作哭姊壻詩以寫哀姊矢弗嫁愛倍切

姊事不避塗泥稍長日挾書對姊紡績曰吾與汝共  
肚皮生志意皆合語引端弗竟已知也姊自安吾必  
使姊為壻立後十歲學為經義題值論伊尹其文有  
曰一介不與是楊朱也一介不取是陳仲子也十三  
歲母令取黑白砂分為碁子已椎碎之母禁勿碎曰  
吾取而吾碎之何害母大怒乃捧杖前跪曰大人幸  
捷兒出氣母自苦也母為心動同坐者皆歎息扶之  
起罷父覽九章算法至合數差分諸條隱其例與詰  
難跪而得之嘗托莊子寓言諷其舅魏凝叔凝叔曰



吾知其意矣雖未中我我當藏之十五冠字曰公西  
是年南豐謝秋水先生至寧都為說一篇慨然欲往  
從學父曰爾童子何處言此在家作好子弟往學然  
後可也遂自封置其說題曰儀封人請見置枕函中  
死且在焉十六歲與父門人何生論交曰交有數孰  
為友孰為朋孰為黨孰為遊子特吾黨耳頃之父謂  
之曰何生言爾甚當何生言爾為人子當可喜為師  
之子亦無竒耳凡爾之勝皆見聞得之非爾所自有  
也何生言爾甚當後見生乃曰吾友幾人曰某某何

生在焉生曰子殆謬與前言不侔也曰吾父言子云  
云子固吾友自是策勵何生乃更切年十七欲輯留  
侯諸葛武侯李鄴侯李忠定凡所傳言語行事文章  
為一書又謂從父兄天麟曰每觀古人莫能及故欲  
盡讀通鑑當刻日竟其業為資治通鑑人名表第中  
所紀姓名為十二等二編書皆不得終而死是為歲  
丁酉九月初二日辰時也死之前旬有八日與父言  
人生除孩老食寢往來無幾日作事吾欲刻意向學  
乃得自成立父曰吾亦欲然第為館餼所牽答曰忍

年集卷之四十五  
十一  
飢寒則館餼正可棄也歸即為母言食無必事菜果  
後當食連啖薑嗑醋盡一杯而病作初父為成錫聘  
盧氏女殤丙申娶曾氏將及半暮鬱鬱不自得又四  
月成錫乃死焉嗚呼豈不痛哉以其月十有四日塋  
于河東馬鞍山首乙趾辛去其祖妣墓之左計十有  
四步是為成錫之墓凡成錫始學為文至死未嘗肯  
一試于時知愛父母未有少違顏色謹事寡姊欲贊  
成其苦節學于古人志益廣而皆不能終其緒以遽  
死嗚呼是若此者可哀也是可哀也維屏少方誕漫所習學

固不自循涯涘今忽忽四十餘年且老矣不能有所  
成就見其子如此真得一使沿續成之而亦復不能  
得耶是不又可哀也耶蓋清福上帝所吝而維屏性  
不肯刻苦為人徒欲誦讀高談子父自得于人世恬  
逸之事所占已多又天固不容欺維屏寡言緩步狀  
類馴擾然中懷驕刻無有一息休祥之氣足以自養  
足以迎人且蒙惑人之耳目鼓弄人之唇舌合辭一  
聲目以忠厚盜此浮名據非所有鬼神則闕而誅之  
不于其身則必于其後夫成錫安得而不死是故若

成錫者其為人子固其不幸其為之父者當可為世  
之鑒戒也已寧不大足哀耶寧不大足哀耶

千縈萬縷無尺無幅似勝祭十二郎文 彭中叔

溫引年墓碣碑銘 并序

引年之喪既練有二月予過視其母與孤母于戶內  
泣曰吾兒將塋于石塘里七星堂先世之兆矣必先  
生書其墓予泣下而頷之又二月其父執彭中叔書  
來曰惟先生知引年故溫氏嫂云然今引年塋期在  
五月之二日子曰悲哉天乎乃以引年墓石遺予也  
遂哭而書曰故志士溫引年之墓使以此刻其封墓  
之石蓋引年年三十有二而死矣其生崇正六年七  
月一日也是時引年父直公負其家聲以文章意氣

與天下知名士相角逐日縱酒結客而予固時依附  
其間見予亦溫菖作詩菖引年名也引年稍長而就  
外傳直公客嘗滿坐坐中倡優歌曲調笑相雜作時  
引引年出見客一再揖遂僮僮然從一小僕去引年  
年十三四直亂作年十七有直公之難是時予已去  
城居及過視引年不三四次而引年獨心識予為其  
父文學友且曰父死而嘗過視之者予也遂從予學  
焉引年之從予學也居數年念父嘗交天下士曰吾  
力弱不能得至見然先其近而可已會引年姊家亂

亡過雩都雩都易去浮為其直公女力收卹之引年  
遂往造謝焉頃之又念寧都去他省縣寧化為近聞  
父嘗遣書劄往交寧化李元仲遂索一故僕使持被  
徒步往從至寧化泉上宿旅店問李元仲舍止泉上  
店人不肯與通曰子來何為見李君李君方率其族  
築土室避亂李君不出土室門幾年矣引年即遣僕  
自持刺投元仲元仲亦即造店延引年入因留引年  
使其族子弟與引年為師友後二年去浮延引年往  
教諸子乃去之引年之往來二縣也皆造予河東居

前年冬十二月引年自雩都歸未過我後十有二日寫出意外驚駭處間曰引年病又三日予造引年山舍未至舍曰引年

先一夜死矣引年為人骨挺而肉薄曲眉岸顴頰頷相應稍類其外祖父羅學博予嘗念其當壽考亡疑

引年死先十二月哭其同學魏子明予兄聞引年哭遽曰此聲宜不壽然則引年之死其已定者耶引年

已病聞子明子明年當從三巖館欲寄食何所引年曰當于我又曰吾病且愈即走泉上候李先生以其

子有訟之侮云及元仲聞引年死失聲而歎易去浮曰吾明年延引年館本非為諸子也蓋吾以得此晚

年友相近耳不謂去而死乎引年以上叙引年傷其父為人猶默不洩其

意較然不肯少自頹屈其過予自志因交易李而為二公所器重以後多從兩我授經籍文字禮教來

往應對錢穀取貸分爭之事皆必究問之而後行寧受文字處寫真直使引年之志從紙後透出來行有異指不事或有不問也引年復至雩都乃乞去

浮銘其先君直公墓既歸又以輯所聞事進予請為傳予稿成因與論作傳意旨兼及文字法引年皆謹對曰然其後予所傳文不足饜人意引年自雩都以札問予予援歐陽公友朋孝子語答之曰不愜意即

毀之矣引年復曰非然也嘗有聞不敢不述後五月  
又忍及到死處去引年死予乃復為引年墓文矣引年從予學為經義

十有二年諸生要與同試輒應曰吾文未就引年為

文既蚤聞先王之訓及與予論予獨好篤循題目其

義理豐約聲情之高下波瀾之收放要以顧題目不

失累黍為度而引年于此尤為危厲惜其佳者不能

及十餘篇也予嘗謂引年欲為作文說一篇道作者

之意以傳之兩家子孫引年于山舍左側築一室廣

二三丈深三丈而有一名曰膽廬而乞予誌其志予

皆許引年作二篇文引年亦歲三四促之然今尚不

能成以答引年之意也引年又習為詩古文嘗與南

昌胡心仲皆作孤兒行一篇引年古文為有得其詩

古拙不諧李元仲獨稱之曰吾不繆為許人引年坐

元仲席元仲置酒設劇名賓客四十餘日引年坐席

中無所避然竟不一觀劇稍側目焉諸優中一人心

怪之後以語南昌彭躬菴躬菴語予然躬菴未嘗言

優何姓名故不得而錄之也引年父為娶友彭氏女

生一子景員一女姪女女十歲子今方三歲銘曰

邱平士文集 碑銘 卷十四 引年 二十

全宋文卷之十四  
墓也其寡母為之其左其高祖麥園之去其十有一  
里其墓其父其尚有三巘避居其老母尚保汝卅月  
之孤子壽考福祿千百億子孫以承天祐以篤汝鳴  
呼後之人不其有考

溫諧蕙墓碑銘

君姓溫諱文徽字諧蕙縣之北關人考元雅翁娶太  
君沙氏生子二君其長也翁自治生起家比封君而  
教君文學君年二十四以文學試補府諸生翁既逝  
所封殖悉遺君君析受弟自處其瘠事寡母十有餘  
年竭色養無違故沙太君尤憐愛之也君為人謙而  
愛人行路廝役畧不施以疾遽言色每集徒眾于郊  
閔內外循路次傾窶者甃砌之月有常期君雜傭保  
畚築間為酒食給之翁遺池館多竹木嘉花實君延

友讀書其間去縣十六里山舍曰圓通巖君招人避就  
避兵寇無間踈遠匿妻子安全巖石下者二三千人  
君學業喜為雜博自儒書外嘗從事西秦學者既又  
去學堪輿因精業辰家言君既于財多廣讓而族姁  
贈聘禮不肯苟闕少致困乏遂時時應遠近人迎請  
為擇墓地因略取所貯貲以自潤焉年五十二為韜  
舊帥家延致造塋既歸而韜他宦復自延致君久之  
知君諳文學遂并遣子弟執贄事之得遽疾卒其西  
塋焉蓋君之年五十有四而沙太君方七十有三于

家無恙君之卒之日直同縣友就試韜咸來視訣君  
君曰噫嘻吾不得見老母而死乎遂卒其友撫其目  
不肯瞑有友曰子其以不獲遂母之終為憾已甚然  
今太君雖康強宜即以送終事豫為子贈以麻辨其  
髮襪之衣盡白且曰此為子九原于太君百歲後遂  
服無已也君目乃瞑嗚呼此其于禮為創且怪者而  
君之志則已悲已始君嘗私語曰吾先世某墓地猶  
有三宜葬穴吾葬翁穴未吉待貲以改就其一君既  
卒莫知穴所在君之孤迎他師往相之適亦云然遂



指其一墓君君生天啟甲子歲某月日時歿丁巳歲  
某月日時君娶邨氏先僉事府君姪孫女生子某某  
君墓則歿之年某月日首某而趾某而維屏其舅也  
于是為其碑之銘銘曰  
墳于斯奠改卜何自為瘞手足麻于匱敢豫服闋送  
終靡由贖悲且藏志弗鞠爾百世以嗣續

誌斂事杜撰處可為悲感 自評

### 揭泰階夫婦墓碣

揭泰階造予拜且請曰維新將葬其婦虛其左為穴  
使俟他日以墓乞為我書其世于石子世高祖考鑑玉翁  
嘉靖元年 恩榮冠帶具受 賜帛曾祖考和軒翁  
萬歷元年為縣大賓祖考省田翁萬歷十八年縣舉  
耆德考毓南翁崇正十三年歿鄉先生青神令張公  
以睦毅旌其匱妣某氏生子男五維新次四以萬歷  
三十二年月日時生娶張氏青神公諸子可忠女也  
與予生同甲辰歲月日時其年六十有一歲復次甲

長月日時先予而歿張氏為予婦凡四十有四年持  
家儉勤能竭力事我二人其順我不事言也故歿之  
日予族貢士叔方君旌其匯語如是惟維新少執一  
經終已無成今年七十有二縣學較諸先生欲聞予  
縣大夫使仍就鄉飲酒禮為賓凡數四予自顧碌碌  
遂謹匿去婦有子大品仍娶張氏生孫悠今以十月  
十九日塋婦歸仁里下湖田大嶺底祖旁之原首丑  
而趾未而空予歿之年月日時俟得日以實之若因  
吾子書其世于石使吾子孫世有考吾則何憾予按

秦階姓揭氏名維新其字秦階家派名上任與予同  
東閩第四圖人少從予外兄弟蘇氏遊于予父子間  
及今三世族多以幹略稱獨秦階樸傲若無與世事  
然予間嘗見姍族家迎秦階監大婚喪人絕不敢干  
纖芥私為予輒歎使秦階直古魏趙魏二公雖自莞  
庫門閩間當必以才自通顯豈但以不成名而自匿  
欲博其世于子孫已耶遂志其自言而銘之銘曰  
心無受爾汝名不欲沒世人情同也生而計其終期  
有考于來世顧何怪于豫凶也我因而志之使勒之

邱平士文集 卷十四 二十四  
碣勿內壙而縣諸封也子孫有保于茲墳亦與世為  
無窮也

一事之才不令遺佚語亦感慨有旨 彭中叔

邱士平文學墓碑銘

余邱氏居河東至六七世始各有支分其七世兄支  
又七世而至予弟之支又八世至士平士平予從七  
世祖父兄德所翁之次子也名衡字士平士平年弱  
冠始折節讀書年二十二補弟子員士平為人循循  
不為崖岸之行獨自好不履官衙不與時輩俱及胥  
隸為狎然最能得其父德所翁翁懽年六十喪偶弟挈  
士平與居士平寄誦讀蕭寺中又出而與諸文韻士  
飲酒宴會即四方客及遊僧道士皆常過從士平然

士平父德所翁常向道士受造錄凡受錄率作紙屋  
及童男女諸服飾器用畧具即盡焚去之名曰寄庫  
云為幽冥居具間數年復如是德所翁既為之久後  
復欲然士平前蹠曰大人百千歲後自有祠寢可居  
即彼教恒云當轉生豈有頻置屋幽冥中作如是百  
十年計乎翁頷而止余聞曰咄咄士平循循者固能  
是耶士平病聞巫歌聲呼其子曰此何為者倘吾歿  
後必不得作佛事此非釋罪乃益罪耳未幾果歿士  
平娶溫氏生子一而光孫時俊士平生天啟甲子年

月日時歿壬子年正月十六日享年四十有九初士  
平八世祖宣義郎敬齋翁偕其配墓河東坊右木子  
山又四世其山歸于我贈奉敬公約宣義之後世掌  
墓祀而不復墓今壬子三月廿六日宣義後于余為  
兄弟行者猶四人方修宣義墓而請以士平即其墓  
封以墓以非約而請于奉政公之子孫奉政公子孫  
曰以約則殯矣以例則可特而不可常也宣義子孫  
遂皆曰然使士平孤而光伐石為碑而光泣而前并  
乞予書以為士平墓石且係之銘曰

五弄文集 卷十四 二十六  
七世墓附于封孰子孫從同同守世祀祚無窮徵我  
辭悶幽宮翁既塋汝又奚恫

是篇及邱母陳氏碑文皆先君即世後成和乃從  
垣墓間見而錄之嗟夫先君文既不自收拾予小  
子生已晚又不孝不依時搜錄斯二文其不湮沉  
榛蕪間者幾希而如是則其終于湮沉者又概可  
知也已次男成和敬記



